

2. *Thess.* 3. 1. 2. Et sub N. T. scholasticorum princeps *Thomas Aquinâs*, qui insignem illam & admirandam sapientiam studio magis orationis, quàm humano ingenio & labore se assecutum fuisse charissimo socio fratri *Reginaldo* secretò revelavit: quod secretum, quamdiu in vita maneret, servari voluit. Ideoquæ in more habuit, ut quoties ei legendum, scribendum vel disputandum esset, ad secretum orationis locum prius confugeret, ut à Deo disceret, quod homines doceret. Intelligebat enim (quod est à *D. Augustino* dictum) *melius interdum oratione solvi dubia, quam humanâ inquisitione*: ut *Ludovicus Granatensis* in laudibus *D. Thomæ* refert. Ex adverso qui preces cultumquæ numinis spernunt, à spiritu sancto spernuntur *1. Sam.* 2. 10. *Joh.* 12. 35. *Rom.* 1. 21. 28. 11. 7. *1. Cor.* *Eph.* 4. 18. 5. 8. 9. *Ap.* 22. 11. Quare

V. *Precatio sit diurna & nocturna.* Illa matutina, meridiana, vespertina: hæc, quoties somnus est inter vigili: aliàs proluxa, aliàs brevis & jaculatoria: aliàs cum gemitu & lacrymis, aliàs cum gaudio & hymnis, & quidem tum ante studia, tum post studia, tum denique inter studia.

Hoc firmat præceptum Christi, ejusque Apostolorum, monitum patrum & exemplum sanctorum. Præceptum Christi, & Apostolorum, *Matth.* 7. 7. 8. & 26. 41. *Marc.* 14. 38. *Luc.* 1. 9. 10. 11. 12. 13. & 18. 1. 1. *Thess.* 5. 17. *Jacob.* 1. 5. 6. 1. *Pet.* 2. 1. 2. Monitum patrum est apud *D. Bernhardum* *serm. de obedientia, patientiâ & sapientiâ*; & in 8. punctis. Exemplum est *Davidis*, cum passim psalmorum, tum *ps.* 119. toto & *Ps.* 141. & 142. & 143. *Salomonis* *1. Reg.* 3. v. 9. *Danielis* & sociorum *Dan.* 2. v. 18. & seqq.

VI. *Vitæ SANCTIMONIA est medium divinum, quo studiosus Theologiæ quot horis ac momentis seipso melior fieri conatur.*

Hujus præcepti autor est *Apostolus* *Tit.* 2. v. 11. & 12. & *1. Tim.* 4. v. 7. 8. 13. 14. 15. 16. ubi videtis paraphrasin *Erasmi Roterodami*, ejusdemquæ *παράκλησις*: item in ratione veræ Theologiæ sub finem. Quod & *Salomon* luculenter docet *Prov.* 1. v. 7. quem in locum eruditissimus Theologus

logus